

Nahuatl

Lo nahuatl o **mexican** es una lenga amerinda de la família utoastèca indigèna de Mexic. Foguèt la lenga veïculara de l'Empèri Astèca e uèi es la lenga amerinda que compta mai de locutors en Mexic, amb 1 500 000 personas aperiquí; la màger part son bilingües amb l'espanhòl. D'aquela lenga venon de mots coma Mexic, Guatemala, chocolat o tomata.

Nahuatl foguèt parlat en Mexic central dempuèi al mens lo sègle VII.^[1] Èra la lenga dels astècas que dominèron çò qu'es lo Mexic central actual entrò a la conquista espanhòla. Durant aqueste periòde la varietat de nahuatl parlada pel estatjants de Tenochtitlan venguèt una lenga prestigiosa en Mesoamerica. Al moment de la conquista, amb l'introduccion de l'alfabet latin, lo nahuatl venguèt tanben una lenga literària, e serviguèt per redigir fòrça cronicas, gramaticas, poesias, documents administratius e codèx entre los sègles XVI e XVII.^[2] Aquela lenga literària primairenca basada sus la varietat ligüistica de Tenochtitlan foguèt nomenada nahuatl classic e es entre las lengas americanas pus estudiadas e melhor documentadas.^[3]



Reparticion dels locutors del nahuatl per estat.

Nòtas

- 1. Suárez 1983:149
- 2. Canger 1980:13
- 3. Canger 2002:195



{{{tèxte}}}

Recuperada de « <https://oc.wikipedia.org/w/index.php?title=Nahuatl&oldid=1961560> »

Aquesta pagina es estada modificada pel darrièr còp lo 7 mai de 2015 a 09.11.

Drech d'autor : Los tèxtes son disponibles jos licència Creative Commons paternitat pertatge a l'identic ; d'autras condicions se pòdon aplicar. Vejatz las condicions d'utilizacion per mai de detalhs, e mai los credits grafics.
Wikipedia® es una marca depausada de la Wikimedia Foundation, Inc., organizacion de benfasença regida pel paragraf 501(c)(3) del còde fiscal dels Estats Units.